

子史鉤沉

逸書考

檀道鸞續晉陽秋

甘泉黃奭學

太宗簡文帝

帝諱昱字道萬中宗少子立帝在位三年穆
帝幼冲以撫軍輔政大司馬桓温廢海西公
而立帝在位三年而崩

世說德行篇注

帝外壓疆臣憂憤不得志在位二年而崩

世說

言語篇注

孝武帝

直道鸞續晉陽秋

寧康三年九年九日帝講孝經僕射謝安侍
坐吏部尚書陸納兼侍中卞耽讀黃門侍郎
謝石吏部袁宏兼執經中書郎車胤丹陽尹
王混摘句世說言語篇注 御覽三十二引
寧康三年九月九日上嘗講孝經
謝安侍坐陸納并卞耽執讀謝石袁宏並執
經車胤王溫摘句

梁王

梁王珍之字景度

世說豪爽篇注

鄭冲

初文帝命荀勗賈充裴秀等分定禮儀律令

皆先咨鄭冲然後施行也

世說政事篇注

謝安

自中原喪亂民離本域江右創造豪傑并兼
或客寓流離名籍不立太元中外禦強氏蒐
簡民實三吳頗加澄檢正其里伍其中時有
山湖遁逸往來都邑者後將軍安方接客時
人有於坐言宜糾合藏之失者安每以厚德
化物去其煩細又以強寇入境不宜加動人
情乃荅之云卿所憂在於客耳然不爾何以

爲京都言者有慚色

世說政事篇注

謝安初攜幼穉同好養志海濱襟情超暢尤好聲律然抑之以禮在哀能至弟萬之喪不聽絲竹者將十年及輔政而修室第園館麗車服雖朞月之慘不廢妓樂王坦之因苦諫焉

世說賞譽篇注

安弘雅有氣風神調暢也

世說同上

初安家於會稽上虞縣優遊山林六七年間徵召不就雖彈奏相續繼以禁錮而晏然不

屑也

世說同上

初安優遊山水以敷文析理自娛桓温在西蕃欽其盛名諷朝廷請爲司馬以世道未夷志存匡濟年四十起家應務也

世說同上

初苻堅南寇京師大震謝安無懼色方命駕出墅與兄子玄圍棋夜還乃處分少日皆辦破賊又無喜容其高量如此

世說雅量篇注

晉隆和中河東裴啟撰漢魏以來迄於今時言語應對之可稱者謂之語林時人多好其

事文遂流行後說太傅事不實而有人於謝
坐敘其黃公酒壚司徒王珣爲之賦謝公加
以與王不平乃云君遂復作裴郎學自是衆
咸鄙其事矣安鄉人有罷中宿縣詣安者安
問其歸資荅曰嶺南凋弊唯有五萬蒲葵扇
又以非時爲滯貨安乃取其中者捉之於是
京師士庶競慕而服焉價增數倍旬日無賣
矣夫所好生羽毛所惡成瘡瘡謝相一言挫
成美於千載及其所與崇虛價於百金上之

愛憎與奪可不慎哉

世說輕詆篇注

御覽

罷中宿縣者還詣安至旬日則無所賣矣又以作謂競慕而服焉作競而慕焉

謝玄

玄識局真正有經國之才畧

世說識鑒篇注

謝朗

朗字長度安次兄據之長子安蚤知之文義

豔發名亞於玄仕至東陽太守

世說言語篇注

謝重

謝重字景重陳郡人父朗東陽太守重明秀

有才會終騎長史

世說言語篇注

桓沖

桓沖本以將相異宜才用不同忖己德量不及謝安故解揚州以讓謝安自謂少經軍政及爲荊州聞苻堅自出淮肥深以根本爲慮遣其隨身精兵三千人赴京師時安已遣諸軍且欲外示閒暇因令沖軍還沖大驚曰謝安乃有廟堂之量不閑將畧吾量賊必破襄陽而并力淮肥今大敵果至方遊談示暇遣

諸不經事年少而實寡弱天下誰知吾其左
袵矣俄聞大勲克舉慚慨而薨

世說尤悔篇注

桓温

桓温既以雄武專朝任兼將相其不臣之心
形於音迹曾卧對親僚撫枕而起曰爲爾寂
寂爲文景所笑衆莫敢對

世說尤悔篇注

袁宏

虎少有逸才文章絕麗曾爲詠史詩是其風
情所寄少孤而貧以運租爲業鎮西謝尙時

鎮牛渚乘秋佳風月率爾與左右微服泛江
會虎在運租船中諷詠聲既清會辭文藻拔
非尙所會聞遂往聽之乃遣問訊荅曰是袁
臨汝郎誦詩卽其詠史之作也尙佳其率有
勝致卽遣要談話申旦自此名譽日茂

世說
文學

篇注

宏從溫征鮮卑故作北征賦宏文之高者

世說

同上

宏爲大司馬記室叅軍後爲東征賦悉稱過

江諸名望時桓温在南州宏語衆云我決不
及桓宣城時伏滔在温府與宏善苦勸之宏
笑而不荅滔密以啟温温甚忿以宏一時文
宗又聞此賦有聲不欲令人顯問之後遊青
山飲酌旣歸公命宏同載衆爲危懼行數里
問宏曰聞君作東征賦多稱先賢何故不及
家君宏荅曰尊公稱謂自非下官所敢專故
未呈啟不敢顯之耳桓乃云君欲爲何辭宏
卽荅曰風鑿散朗或掇或引身雖可忘道不

可隕則宣城之節信爲允也温泣然而止

世說

同上

袁宏字彥伯陳郡人魏郎中令煥六世孫也
祖猷侍中父勗臨汝令宏起家建威叅軍安
南司馬記室太傅謝安賞宏機捷辯速自吏
部郎出爲東陽郡乃祖之於冶亭時賢皆集
安欲卒迫試之執手將別顧左右取一扇而
贈之宏應聲荅曰輒當奉揚仁風慰彼黎庶
合坐嘆其要捷性直亮故位不顯也在郡卒

世說言語篇注 文選袁彥伯三國名臣贊
注引袁宏字彥伯陳郡人爲大司馬府記室
參軍稍遷至吏部郎出爲東陽郡守又沈休
文齊故安陸昭王碑文注引謝安賞袁宏機
對辯速宏爲東陽郡安取一扇授之聊以贈
行宏應聲曰輒當奉揚仁風慰彼黎庶 藝
文六十九引謝安賞袁宏機對辯速後宏出
爲東陽郡時賢祖道冶亭安起執宏手顧就
左右取一扇授云聊以贈行宏應聲曰輒當
奉揚仁風慰彼黎庶合坐稱其率而當 御
覽七百二引同藝文而當作要

郗超

超少有才氣越世負俗不循常檢時人爲一
代盛譽者語曰大才槃槃謝家安江東獨步

王文度盛德日新邴嘉賓

世說賞譽篇注

超謂溫雄武當樂推之運深自委結溫亦深相器重故潛謀密計莫不預焉

世說雅量篇注

超有才能珣有器望竝爲溫所重

世說寵禮篇注

超黨戴桓氏爲其謀主以父愔忠於王室不令知之將亡出一小箱付門生云本欲焚此書恐官年尊必以傷愍爲斃我亡後若大損眠食則呈此箱愔後果慟悼成疾門生乃如超旨則與桓溫往反密計愔見卽大怒曰小

子死恨晚後不復哭

世說傷逝篇注

殷浩

時穆帝幼冲母后臨朝簡文親賢民望任登
宰輔桓温有平蜀洛之勲擅强西陝帝自料
文弱無以抗之陳郡殷浩素有盛名時論比
之管葛故徵浩爲揚州温知意在抗已甚忿

焉

世說賞譽篇注

簡文輔政引殷浩爲揚州欲以抗桓桓素輕

浩未之憚也

世說品藻篇注

浩雖黷夷神委命雅詠不輟雖家人不見
其有流放之戚外生韓伯始隨至徙所周年
還都浩素愛之送至水側乃詠曹顏遠詩曰
富貴它人合貧賤親戚離因泣下其悲見於
外者唯此一事而已

世說黷免篇注

王珣

珣學涉通敏文高當世

世說文學篇注

珣初辟大司馬掾桓溫至重之常稱王掾必
爲黑頭公未易才也

世說雅量篇注

習鑿齒

習鑿齒少而博學才情秀逸温甚奇之自州從事歲中三轉至治中後以忤旨左遷戶曹叅軍衡陽太守在郡著漢晉春秋斥温覬覦之心也世說文學篇注 御覽二百六十二引檀道鸞晉紀至治中止少而博學作少博涉温甚奇之作桓温奇之

孫綽

綽雖有文才而誕縱多穢行時人鄙之世說品藻

篇注

孫盛

孫盛善理義時中軍將軍殷浩擅名一時能與劇談相抗者唯盛而已

世說文學篇注

王獻之

獻之文義並非所長而能撮其勝會故擅名

一時爲風流之冠也

世說品藻篇注
三引無非所二字

緯畧

獻之雖不修常貫而容止不妄

世說雅量篇注

謝混

初帝爲晉陵公主訪壻於王珣珣舉謝混云

人才不及真長不減子敬帝曰如此便已足矣

世說排調篇注

王坦之

坦之雅貴有識量風格峻整

世說品藻篇注

許詢

許詢字玄度高陽人魏中領軍允玄孫總角秀慧衆稱神童而風情簡素司徒掾辟不就蚤卒

世說言語篇注

詢能言理會出都迎姊簡文皇帝劉眞長說

其情旨及襟懷之詠每造郝賞對夜以繼日
世說賞譽篇注又一條注云案詢集詢出都
迎姊於路賦賦注續晉陽秋亦然

詢有才藻善屬文自司馬相如王褒楊雄諸
賢世尚賦頌皆體則詩騷傍綜百家之言及
至建安而詩章大盛逮乎西朝之末潘陸之
徒雖時有質文而宗歸不異也正始中王弼
何晏好老莊玄勝之談而世遂貴焉至過江
佛理尤盛故郭璞五言始會合道家之言而
韻之詢及太原孫綽轉相祖尚又加以三世

之辭而詩騷之體盡矣詢綽並爲一時文宗

自此作者悉體之至義熙中謝鯤始改

世說文學

篇注 文選沈休文宋書謝靈運傳論注引
自司馬相如至傍綜百家之言傍綜作詩總
又引及至建安而詩章大盛至不異也無雖
時二字質文作文質無也字又引正始中至
貴焉老莊作莊子世作俗又引許詢有才藻
善屬文詢及太原孫綽至末悉體作悉化始
改下有之字

孔安國

孔安國字安國會稽山陰人車騎愉第六子也少而孤貧能善樹節以儒素見稱歷侍中

太常尙書遷左僕射特進卒

世說德行篇注

張玄之

張玄之字祖希吳郡太守澄之孫也少以學
顯歷吏部尙書出爲冠軍將軍吳興太守會
稽內史謝玄同時之郡論者以爲南北之望
玄之名亞謝玄時亦稱南北二玄卒於郡

世說

言語篇注

車胤

胤字武子南平人父育爲郡主簿太守王胡

之有知人識裁見謂其父曰此兒當成卿門
戶宜資令學問胤就業恭勤博覽不倦家貧
不常得油夏月則練囊盛數十螢火以繼日
焉及長風姿美劭機悟敏率桓温在荊州取
爲從事一歲至治中胤旣博學多聞又善於
激賞當時每有盛坐胤必同之皆云無車公
不樂太傅謝安遊集之日開筵以待之累遷
丹陽尹護軍將軍吏部尙書

世說識鑒篇注
文選任彥升

爲蕭揚州作薦士表注引車胤字武子學而
不倦至以繼日焉以下有夜字

藝文九十

七引同文選注

御覽九百四十五引同文
選注學作好學
事類賦三十引同御覽

王珉

珉風情秀發才辭富贍

世說賞譽篇注

珉有雋才與兄珣並有名聲出珣右故時人

爲之語曰法護非不佳僧彌難爲兄

世說規箴篇注

御覽五百十六引珉上有王字聲上有而
字時人上無故字僧作阿

王獻之爲中書令王珉代之時人曰大小王

令

世說政事篇注

說郭五十九引獻之卒
以王珉爲中書令世謂之大王令小王令

也

韓伯

韓伯字康伯潁川人好學善言理歷豫章太

守領軍將軍

世說德行篇注

康伯清和有思理幼爲舅殷浩所稱

世說賞譽篇注

桓伊

伊字叔夏譙國鉅人父景護軍將軍伊少有

才藝又善聲律加以標悟省率爲王濛劉惔

所知累遷豫州刺史贈右將軍

世說方正篇注

左將軍桓伊善音樂孝武飲燕謝安侍坐帝

命伊吹笛伊神識無忤旣吹三弄乃放笛云
臣於箏乃不如笛然自足以韻合歌管臣有
一奴善吹笛且相使申請進之帝賞其放率
聽召奴旣至吹笛伊撫箏而歌怨詩因以
爲諫也世說任誕篇注書鈔一百十一引
帝命桓伊吹笛伊神色無忤卽吹爲
一弄

王恭

王恭深懼禍難抗表起兵於是遣左將軍謝
琰討恭恭敗走曲阿爲湖浦尉所擒初道子

與恭善欲載出都面相折數聞西軍之逼乃
令於兒塘斬之梟首於東桁也

世說仇隙篇注

謝敷

謝敷字慶緒會稽人崇信釋氏初入太平山
中十餘年以長齋供養爲業招引同事化納
不倦以母老還南山若耶中內史郗超薦之
徵博士不就初月犯少微星一名處士星占
云以處士當之時戴逵居剡旣美才藝而交
遊貴盛先敷著名時人憂之俄而敷死會稽

人士以嘲吳人云吳中高士便是求死不得

世說棲逸篇注

初學記一引

會稽謝敷字

慶緒隱若耶山忽月犯少微星少微一名處

士星時戴逵名著於敷時人憂之俄而敷死

故會稽人士嘲吳人曰吳中高士求死不得

藝文三十六引謝敷隱居會稽山初月犯

少微星已下同初學記名者作名重嘲下無

吳人二字

御覽五百四引同藝文不得下

有死字

書鈔一百五十一引會稽謝敷隱若

耶生初有星犯少微案生初二字誤當作死

時

戴逵

逵不樂當世以琴書自娛隱會稽剡山國子

博士徵不就

世說棲逸篇注

遶善圖畫窮巧丹青也

世說識鑒篇注

范宣

宣少向隱遁家於豫章以清潔自立

世說棲逸篇注

桓修

修少爲玄所侮於言端常嗤鄙之

世說排調篇注

桓亮

桓亮字景真大司馬溫之孫父濟給事中叔父玄篡逆見誅亮聚衆於長沙自號湘州刺史殺太宰甄恭衡陽前太守韓繪之等十餘

人爲劉毅軍人郭珍斬之

世說賢媛篇注

顧愷之

愷之尤好丹青妙絕於時遂以一厨畫寄桓
玄皆其絕者深所珍惜悉糊題其前桓乃發
厨後取之好加理復愷之見封題如故而畫
並不存直云妙畫通靈變化而去如人之登
仙矣

世說巧藝篇注又引愷之圖寫特妙

愷之矜伐過實諸年少因相稱譽以爲戲弄
爲散騎常侍與謝瞻連省夜於月下長詠自

云得先賢風制瞻每遙贊之愷之得此彌自
力忘倦瞻將眠語槌腳人代愷之不覺有異

遂幾申旦而後止

世說文學篇注

御覽四

百九十九引顧愷之夜於

月下長詠至末制作製贊上有稱字槌

人

殷仲文

仲文字仲文陳郡人祖融太常父康吳興太
守仲文聞玄平京邑棄郡投焉玄甚悅之引
爲諮議叅軍時王謚見禮而不親卞範之被
親而少禮其寵遇隆重兼於王卞矣及玄篡

位以佐命親貴厚自封崇輿馬器服窮極綺
麗後房妓妾數十絲竹不絕音性甚貪鄙多
納賄賂家累千金常若不足玄旣敗先投義
軍累遷侍中尚書以罪伏誅

世說言語篇注

仲文雅有才藻著文數十篇

世說文學篇注

殷仲堪

仲堪仲文之從兄也少有美譽

世說賞譽篇注

褚爽

爽字茂宏河南人太傅哀之孫秘書監韶之

子太傅謝安見其少時嘆曰若期生不佳我
不復論士及長果俊邁有風氣好老莊之言
當世榮遇弗之屑也惟與殷仲堪善累遷中
書郎義興太守女爲恭皇帝后

世說識鑿注

袁山松

袁山松善音樂北人舊歌有行路難曲辭頗
疎質山松好之乃爲文其章句婉其節制每
因醉酣從而歌之聽者莫不流涕初羊曇善
唱樂桓伊能挽歌及山松以行路難繼之時

人謂之三絕

世說任誕篇注

御覽五百五

十二引袁山松作行路難辭句

婉麗聽者莫不流淚

羊曇善唱樂桓宣能挽

歌時稱爲三絕

山松陳郡人祖喬益州刺史父方平義興太

守松歷祕書監吳國內史孫恩作亂見害

世說

排調篇注

王蘊

蘊素嗜酒末年尤甚及在會稽畧少醒日

世說

任誕篇注

劉牢之

牢之字道堅彭城人世以將顯父遁征虜將
軍牢之沉毅多計數爲謝玄參軍苻堅之役
以驍猛成功及平王恭轉徐州刺史桓玄下
都以牢之爲前鋒行征西將軍玄至歸降用
爲會稽內史欲解其兵奔而縊死

世說文學
篇注

苻宏

宏苻堅太子也堅爲姚萇所殺宏將母妻來
投詔賜田宅桓玄以宏爲將玄敗寇湘中伏

誅

世說輕詆篇注

已上俱世說注

謝安

謝安爲桓溫司馬不存小察盡弘長之風

文選

任彥升王文憲集序注又天監三年策秀才文注

王雅

王雅字茂德東海郟人爲右僕射

文選沈休文奏彈王

源注

殷仲文

殷仲文字仲文陳郡人也爲驃騎行參軍以桓玄之姨夫玄僭立用爲長史帝反正出爲

東陽太守愈益憤怒後照鏡不見其面數日

禍及

文選殷仲文南州桓公九井作詩注

桓玄僭位仲文以佐命親貴帝初反正抗表

自解

文選殷仲文解尚書表注 已上文選注

武陵王

武陵王晞未敗四五年喜爲挽歌自搖大鈴

使左右和之

書鈔九十二和之作唱和

初學記十四引御覽五百五十

二引鈴上無大字

會稽王

太元八年詔賜會稽王祕書八千卷

書鈔一百一

王珣

王珣當之吳郡就汰道人宿汰公設豆藿糜
汰公自噉一大甌珣強進半甌須臾珣設精
饌果炙畢備汰公都無所噉

書鈔一百四十三
陳補

謝混

謝混字叔源求領戎行拜征虜將軍

書鈔六十四

何無忌母

何無忌母劉牢之姊也無忌與高祖謀夜於

屏風裏制檄文母潛登屏風上窺既知其謀

大喜曰汝能如此吾讐耻雪矣

書鈔一百三十一
藝文五十一

八制作製

御覽五百九十七

引制作製潛

登作潛于大喜下有謂字又七百一引高祖

上有宋字登上無潛字無既知其謀四字雪

上無耻字又七百六十四引同書鈔大喜下

有謂字說郭五十九引同御覽七百一末

作吾讐得雪矣

陶潛

陶淵明嘗九月九日無酒出宅邊菊叢中摘

菊盈把坐其側久望見白衣人至乃王弘送

酒也卽便就酌醉而後歸

書鈔一百五十五
藝文四又八十五

一引陶潛無酒坐宅邊菊叢中採摘盈把見
王弘遣送酒卽便就酌初學記十一引陶
淵明作陶潛出作於酌下無醉字御覽三
十二引陶淵明作陶潛無出字菊叢上有東
籬下三字久作未幾就下無酌字又九百九
十六引無宅邊二字久下有之字無醉而後
歸四字事類賦五引陶淵明作陶潛以下
同御覽三十二送酒也下作卽便酣飲說
郭五十九引陶潛九月九日至末出作於人
下無至字送酒下無也字酌下無醉字已
上書鈔

陳寔

陳仲弓從諸子姪造荀季和父子於時德星

聚太史奏五百里內有賢人聚

初學記一世說德行篇

注引無季和二字德星下無聚字無內有二
字

温嶠

肅祖欲以温嶠爲中書令手詔曰卿以令望
忠允之懷著於周旋且文清而旨遠宜居機
密欲卽爲中書令

初學記十一

温嶠上書曰臣才短學淺文疏不通中書之
職酬對無方斟酌輕重豈惟文疏而已自非
望士良才何可妄居斯任累辭而止

初學記十一

藝文四十八引温嶠爲中書令詔曰中書之
職酬對多方斟酌禮儀非惟文疏而已非望

士良才何可妄居案此誤以温嶠上書爲詔
語

王獻之

王獻之少而標邁不循常貫而撮其勝會故

爲中書令

初學記十一

說郛五十九引王

獻之爲中書令獻之少而標邁不

尋爲一時風流之冠案循誤作尋下脫常貫

二字

甘露

隋郡上甘露降攝揚縣垂木露凝十餘里

初學

記二 已上初學記

桓玄母

桓玄庶母馬氏本袁真之妓也與同列薛氏
郭氏夏夜同坐月下有銅甕水在其側見一
流星墮甕中驚喜共視見星如二寸火珠於
水底罔然明淨乃相謂曰此吉祥也誰當應
之於是薛郭更以瓢酌接取並不得焉最後
取星正入瓢中便飲之既而若有感焉俄而
生玄玄雖篡位不終而數年之中榮貴極矣
藝文一 御覽五 書鈔一百五十陳補引
同

劉禪

檀道鸞續晉陽秋
司馬文王問劉禪曰頗思蜀不禪曰此間樂不思蜀也卻正見禪曰若王復問宜泣有以荅會王復問禪曰先人墳墓遠在隴蜀乃心西望無日不思因閉眼王曰何乃似卻正語耶禪驚視曰誠如尊命

御覽四百八十八

廢帝海西公

帝少同闈人之疾而出比左右

案出字疑誤

初在

東海琅邪因親近嬖人相寵計好朱靈保等並侍卧內美人田氏遂生三男衆致疑惑然

莫能審其虛實至是將建儲貳大司馬因之
以定廢立之計遂率百僚並還朝堂本省溫
平旦以衆入分兵屯宮門呈草於皇太后曰
今廢奕爲東海王以還第供衛之儀如漢朝
昌邑故事丞相錄尙書事會稽王昱體自中
宗明德劭令民望依係爲日已久宜順天人
以統皇極主者明依舊典以時施行但未亡
人不幸罹此百憂感念存沒心焉如割社稷
大計役不獲已臨紙悲塞如何可言時太后

在佛屋燒香內侍啟云外有急奉太后乃出
堂倚戶前視表數行乃曰我本自疑此至半
便止求筆題奏後云未亡人懼此百憂感念
存沒心焉如割温奏未有此十五字即奏遂
迴避換內之

御覽九十九

太宗簡文帝

帝以太興三年生弱而慧異中宗深器焉及
長美風姿好清言舉止端詳器服簡素與劉
恢王濛等爲布衣之友由登庸歷位散騎常

侍右將軍撫軍將軍以懿親民望任登宰輔
值穆帝幼沖母后臨朝桓溫有平蜀洛之勲
擅強西陵帝於家國之計具瞻所歸而自斷
之弱無以抗之陳郡人殷浩素有盛名時論
比之管葛又琅邪王洽丞相導子既是名公
子少有聲望乃以浩爲湘州刺史洽爲長史
徐州刺史葛羨亦以清貴居藩同心憂國溫
見此樹置知在抗已溫旣以雄武專朝任兼
將相悉衆北討以成樂推之勢乃枋頭奔敗

知民望之去乃屠豫州刺史袁真於壽陽城而問郗超足下何以雪枋頭之耻乎超因說温以廢立之事温既宿有此謀深納超言既廢昏立明民人悅服然恭己南面政自温出帝性韻深沉雅有局鎮常與太宰武陵王晞桓温同乘至板橋温密勅令無因而鳴角鼓譟部伍並皆驚馳温佯爲駭異而晞大震驚急求下車帝舉止自若顏色不變温每以此稱其德量故論者謂服憚之深若假帝修年

則溫篡逆之圖絕矣

御覽九十九世說容止篇注引帝美風姿舉

止端詳又雅量篇注引帝性蘊雅有局鎮嘗與桓溫武陵王晞同乘至板橋至謂服憚之謂下有溫字之作也無急求下車四字顏色作音顏藝文十二引至爲布衣之友友作遊

桓溫始以雄盛入輔係以廢立帝雖登祚內不自安初熒惑入太微尋廢海西公至是熒惑猶在太微帝惡之謂郗超曰命之修短本所不計故當無復近日事耶超云大司馬臣溫方內固社稷外布經畧非常之事臣以百

口保之假還東帝謂之曰致意尊公家國事
一至於此由吾不能以道自衛思患預防愧
嘆之深言何能喻又誦庾闡詩云士痛朝危
臣哀主辱因泣下及不預詔溫曰吾遂委頓
足下便不冀得相見又詔曰不謂疾患遂至
於此今者惓然勢不復久且雖有詔豈復相
及慨恨兼深如何可言天下艱難而昌明幼
冲眇然非阿衡輔導之計當何以寧濟社稷
國事家一託之於公

御覽九十九

孝武帝

太元五年霹靂含章殿柱殺內侍二人

御覽
八百

七十六

初帝耽於色末年殆爲長夜之飲醒時旣少
多居內殿留連於盤薄之間時張貴人寵冠
後宮威行闈內年幾三十帝妙列伎樂陪侍
並少乃笑而戲云云汝以年當廢矣吾已屬
諸妹少矣貴人潛怒上不覺上稍醉卧貴人
遂令其婢蒙之以被旣絕云以魘崩至丑時

方遷登太極前殿

御覽九十九

恭帝

初安皇不惠起居動止不自己出帝每侍左右雖溫涼飢飽之中而恭謹備焉時人稱其順悌又雅信佛教捐財貨十萬造丈六金像於瓦官寺齋日迎像入室步從十許里安皇帝歸陵有詔當出送入座奏諫以爲宜加珍

攝乃止

御覽一百

孝武李太后

初太宗諸子繼天乃令扈謙卜云後房有一
女當誕二男其一終大盛帝乃召相者示諸
寵妾皆曰非其人又示諸婦時織坊中有一
人形長色黑宮人謂之崑崙至相者驚曰此
其人也帝以大計幸之生烈宗也御覽三百
八十八
李太后在會稽王宮夢兩龍枕膝日月入懷
其後果以相者之言見幸太宗凡生烈宗會
稽王道子及鄱陽公主焉御覽三百九十八

會稽王

桓玄嘗詣會稽王導子已醉對玄張眼屬四

座云桓温作賦玄見此辭

此辭二字誤當從四百九十七作已

辭勢難測伏席流汗長史謝重歛板正色曰

故大司馬廢昏立明功全社稷風塵之論宜

絕聖聽

御覽三百八十七又四百九十七引至流汗道子二字重書鈔一百二

十八引桓玄嘗詣會稽王道子已醉王歛板正色曰公廢昏立明功高社稷風塵之論宜達聖聽案所引有脫誤

謝安

初苻堅南寇京師大震謝玄入問討禦之方

謝安夷然無懼色玄等既破賊有驛書至安
方對客圍棋看書既畢攝放牀上了無喜色
還棋如故客問之安徐荅云小兒輩遂已破
賊客罷還內過戶安心喜甚不覺屐齒之折
其矯情鎮物如此

御覽四百六十七

習鑿齒

習鑿齒以足病廢於里巷苻堅滅樊鄧素聞
其名與釋道安俱舉而致焉與語大悅以其
蹇疾裁堪半丁與諸鎮書曰晉氏平吳利在

二陸今破漢南得士一人半耳

御覽三百七十二

羅友

襄陽羅友家貧嗜酒伺人祠祀往乞餘在桓

溫府屢以貧乞祿溫以其誕肆許而不用同

府人有得郡者溫爲坐別友亦被命至尤晚

溫問之荅曰民欽道嗜味昨奉教乃守旦出

門於中路遇一鬼大見耶餽曰見汝送人作

郡不見人送汝作郡民始怖終慙不覺淹緩

溫笑用之爲郡也

御覽四百九十八又入百八十三引襄陽羅友在桓

溫府屢以貧乞祿至末無荅字無民欽道至
守旦十一字耶歛作挪揄民始怖民作友末
句作溫笑而用之說郭五十九引同御覽
八百八十三遇上有見字無大見挪揄四字
日上有謂余二字

徐羨之

大司馬府軍中人朱興妻周息男道扶年三
歲先得癩病因其病發掘地生理之爲道扶
姑雙文所告正周棄市刑徐羨之議曰自然
之愛虎狼猶人周之凶忍宜加顯戮臣以爲
法律之外故當弘濟物之理愚謂可特原母

命投之遐裔從之

御覽七百三十九

王謐

太元十八年王謐爲祕書丞乃表前尙書

允中書郎張敞太子後率郟儉之故太常桓

石秀是多書之家諸祕書郎分局採借

御覽二百

三十三

王恭

初淮陵內史虞珽妻裴以尺牘辯利兼服食
絕穀常衣黃衣狀若學道司馬道子常延致

甚悅其才每與百官宴飲裴亦預焉悉令與
賓客談衆人皆爲降節王恭辭曰恭聞男女
之別國之大節未聞宰相之坐有失行婦人
舉坐竦然道子爲慙

御覽四百二十八

吳隱之

初議以吳隱之爲黃門郎而隱之貌似太宗
上不忍見故改焉

御覽三百九十六

桓玄

桓宣武與與妻妾坐月下流星墜下銅盆水

中光如二寸珠頰然妾酌飲之生玄

御覽七百五十九

八

說郭五十九引頰然作顛然

魏詠之

魏詠之生而免缺相者云後當殷年十八聞
荊州殷仲堪帳下有術人能治之因西上仲
堪與語令師看焉師曰可割補之但應百日
食粥不語笑詠之曰半年不語亦當治之況
百日也師爲治而差

御覽七百四十九

說郭

謝琰

會稽太守謝琰拒孫恩恩帳下都督張猛於
後研馬琰墮地遂殺之高祖左里之捷生擒
猛送琰小子混刳生食之

御覽三百七十六
說郭五十九

劉毅

劉毅至黑時人謂之鐵色

御覽三百八十八
說郭五十九

盧循

盧循爲廣州州無麪每得分餉未周遍文武
則不食也其仁如此

御覽二百八十

王談

王談年十許歲父爲鄰人竇度所殺談陰有復讐之志年十八密貫市利插刃陽若以耕耘者度常乘船出入經一橋下談伺度行過還於橋上以插斬之應手而死旣而歸罪有司太守孔巖義其孝勇列上宥之

御覽四百八十二

太尉

太尉伐羌於濟口入河索虜遣將鵝青步騎十萬於河北聲云投羌太尉遣隊主丁旡以車五百乘北岸爲卻月陣相去一步車置七

人授以長白毳

御覽三百五十四

陶潛

江州刺史王弘造陶淵明淵明無履弘從人
脫履以給之語左右爲彭澤作履左右請履
度淵明於衆坐申腳令度及履至著而不疑
御覽六百九十七

王猛

咸陽王猛被緼袍而詣桓温面談當時之事
猛摸虱而言傍若無人温察而奇之

御覽九百五十

一 說郛五十九引奇之作許之

慕容垂

苻堅之遣慕容垂侍中權翼諫不聽於是翼乃夜私遣壯士要路而擊之垂是夜夢行路路窮顧見孔子墓傍墳有八覺而心惡之召占夢者占之曰行路窮道盡也不可行孔子名丘八以配丘此兵字路必有伏兵深宜慎之於是垂遂別路而進翼伏兵遂不擒之

御覽

四百 已上俱御覽

王珉

中書令王珉好捉白團扇其侍人謝芳歌之
因以爲曲

說郛五十九

崔祖思

清河崔祖思死家無餘財有書八千卷上聞
嗟嘆良久乃以葛屯穀百五斛

百五二
字疑斛

賜其

家曰葛屯亦吾之垣下令後世知其見異

說郛

五十九

苻堅

苻堅未攻長安市鬼夜哭一月止說郭五十九已上

補遺

謝安

謝安有反東山之志每形之於言文選謝靈運還舊園

作見顏范二一中書詩注

姚畧

姚畧好書有綠紙赤軸書鈔一百四

子史鈎沈

逸書考

劉道蒼晉起居注

甘泉黃奭學

勿設伎樂

太始元年詔曰朕遭憫凶奉承洪業追慕罔極正日雖當受朝其伎樂一切勿有所設又殿前反宇及文武帳織成帷幙之屬皆不須施

御覽二十九

中軍將軍

太始元年置中軍將軍總宿衛羊祜爲之也

書鈔六十四

尙書令

太始元年詔曰尙書令總百揆端右之職也
是以自漢代以來每慎選此官

書鈔五十九

下邳王

太始元年詔曰益州險遠素號難治宜以重
將親鎮撫之以中郎將下邳王晃爲之

書鈔七十

縣令

太始元年詔曰若縣令有掾屬才堪治民者

當以參選

書鈔七十八

太始元年詔曰百官長史親民之要也

書鈔同上

太始元年詔曰昔孝宗重治民之職

書鈔同上

解職

武帝

原作孝武

太始元年詔大臣疾病假滿三月

解職

初學記二十

孝武太元元年案太始則爲武帝太元

御覽六百三十四引作

則爲孝武檢晉書太始元年太元元年俱無此事白帖休假引武帝詔大臣疾假滿三月不差解職據此則當在武帝時

王恂

太始元年詔曰給事黃門侍郎王恂篤志好學不殞先業久歷朝班職用有效宜拾遺左右其以恂爲散騎常侍

書鈔五十八

武帝咸寧三年詔曰河南百郡之首其風教宜爲遐邇所模以導齊之侍中奉車都尉王恂忠亮篤誠才兼內外明於治化其以恂爲

河南尹

御覽二百五十二
補引

書鈔七十六陳

高陽王

武帝太始二年詔鄴城守事宜速有人又當
得親親有文武器任者高陽王珪今來之國
雖當出爲藩輔以才幹事亦古之制也其以
珪爲督鄴城守事北中郎將御覽二百四十
尙書高陽王珪忠允善政以珪爲右僕射初
學
記十一

宗正卿

咸寧元年以大中大夫王覽爲中正卿太始
二年以侍中中書監朱整爲宗正卿御覽二
百三十

三等將軍

太始二年詔曰大國三軍領兵五千人次國
二軍領兵三千人小國一軍領兵二千人上
中下三等將軍

書鈔七十七

樹蕃

武帝太始二年詔曰列土樹蕃以鎮服九服
書鈔七十

嘉柰

嘉柰一蒂十五實或七實生於酒泉

初學記
二十八

白帖柰 據李軌泰始起居注在二年六月

采女美人

泰始三年使使持節兼五官中郎將宗正丞
司馬恢拜崇陽園妾李玉爲脩華王宣爲脩
容徐玉爲脩儀吳淑爲婕妤趙珽爲充華九
年有司奏禮唯皇后聘以穀圭無妾媵設玉
之制詔曰拜授可依魏氏故事十年上臨軒
使持節兼太常洛陽令司馬啟拜采女胡芳
爲貴嬪又使使持節兼御史中丞太子舍人

司馬誕拜采女劉媛爲淑妃臧曜爲淑媛芳
爲淑儀趙粲爲脩華陳琬爲脩容咸寧三年
拜美人左嬪爲脩儀邢蘭爲婕妤朱華爲容
華

御覽一百四十五

立嫡

武帝太始三年有司奏正統立嫡詔曰統承
大業懼未能光祖宗之遺德至於建嗣樹嫡
非所務也

初學記十

二傳

武帝太始三年始置太子二傅是時官事大

小皆由二傅立草少傅寫之

御覽二百四十四書鈔六十

五引三年作中無始太子三字無是時二字官事作官事皆下無由字草作章

安平王

太始四年正月上臨軒朝羣臣於太極前殿

詔安平王輿車昇殿上迎拜於阼階王坐上

親奉觴上壽皆如家人之禮王拜上皆跪而

止之

御覽二十九又七百七十四引太始四年正月上臨軒太宰安平王孚載輿昇

殿書鈔一百四十引太始四年正月上臨軒太宰安平王孚載輿升殿

韓伯

武帝太始四年詔曰尙書韓伯陳疾解職漢軍閑無上直之勞可得從容養疾更以伯爲領軍將軍

書鈔六十四

拜太傅

武帝太始五年詔太子拜太傅如事師之禮

書鈔六十四

荀顗

武帝太始六年詔曰朕承洪業昧於大道司

訓五品以康四海侍中司空荀顛明允篤誠
思心通達翼亮先王遂輔朕躬其以顛爲司
徒

書鈔五十二

詔司徒

武帝太始六年詔曰昔舜命九官契司五教
所以崇王化示民軌儀也

書鈔五十二

中護軍

泰始七年詔曰中護軍與領軍史皆掌禁兵

典選武

書鈔六十四泰始原訛作秦始皇

尚書

太始七年詔曰尚書括可機之以二紀綱綜
詳朝政也

書鈔五十九案語有脫誤

胡奮

武帝泰始七年詔曰議郎胡奮開爽忠亮有
文武才幹歷位內外涉練戎事威畧之聲著

於方外其以奮爲冠軍將軍

御覽二百二十九
書鈔六十

四引武帝詔曰議郎胡奮有文武才幹涉練
戎事

羊琇

武帝太始七年詔曰中護軍職典武選宜得
堪幹其事者左衛將軍羊琇有明贍才見乃
心在公其以琇爲中護軍

御覽二百四十

後將軍

太始八年置後將軍掌宿衛

御覽二百三十八

羊祜

太始八年詔曰衛將軍羊祜歷文武有佐命
之勲其以爲車騎將軍開府如三司之儀

御覽

二百四十三

登道齋晉起居注
故南城侯羊祜固辭歷年志不可奪身沒讓
存遺操益厲此亦夷齊所稱賢也今聽復木
封以彰厥美 藝文五十一

東平王

太始十年詔東平王懋爲員外常侍通殿中
直散騎常侍通直之號蓋自此始也 書鈔五十八

立廟

武帝太安中詔曰往者乃魏氏舊廟處立廟
旣坐醫不顯又材木弱小至今中間有跌接

之患今當修立不宜存故處太僕寺南臨兩
道地形顯敞更於此營之主者依典禮施行
御覽五百三十一 書鈔八十七陳補引
案太安是惠帝年號 安字誤據晉書當作太
始二年

皇甫謐

武帝咸寧元年詔曰男子皇甫謐沉靜履素
守學好古與流俗異趣其以謐爲中庶子
二百四十五

御覽

曹志

咸寧二年詔曰甄誠公曹志爲篤行道履先
覺宜在儒林闡弘胄子

書鈔六十七

左右常侍

武帝咸寧三年大國置左右常侍贊相威儀
獻納臧否

書鈔七十一武帝原詔成帝

賈充

太尉賈充薨皇太子妃之父又太保也有司
奏依漢元明二帝親臨師保故事皇太子素
服爲發哀又臨其喪

後漢書禮儀志下注

張華

咸寧五年詔曰一年不收使公私俱匱不唯
天時乃人事有不盡也故總要者正在度支
尚書也其以散騎常侍中書令張華爲度支

尚書

御覽二百十七

太康元年詔曰張華前與故太傅創謀大計
部分方竿有謀謨之勲封廣武侯邑萬戶

御覽

二百

中書監光祿大夫張華歷世腹心情所憑賴

故酬其勲績使儀同三司而虛沖損抑難爲
高尙其以華爲光祿大夫儀同三司本職如
故又給親信滿百人

御覽二百四十三

太常張華止案舊事拜公建始殿因以小會
今拜公於太極殿亦宜因以小會所以崇宰

輔也

藝文三十九 御覽五百三十九引止
作上書二字無今拜公至小會十三字

白麀

咸寧中白麀見魏郡後諸州各送白麀

藝文九十

五

御覽九百七

歸命侯孫皓

武帝太康元年詔曰江表初平天下同其歡
豫王公卿士各奉禮稱慶其於東堂小會設
樂使加於常五月庚寅御臨軒大會於太極
殿前四方賀使國子太學生司徒吏副將以
上及吳降將吏皆與會詔引歸命侯孫皓上
殿稽顙陳恩謝罪稱萬歲

藝文三十九書
鈔八十二引太康

元年五月吳平御臨軒大會羣臣於殿前

山濤

太康元年詔曰山濤自典官人之任志在澄
清風俗其以爲左僕射

書鈔五十九

荀良

武帝太康元年詔曰方今天下無事所重惟
民魏郡大都會也太守宜得其才宜以荀良
爲魏郡太守

書鈔七十四

左右僕射

太康元年詔曰尙書舊置左右僕射所以恢
演政典協宣庶績

書鈔五十九

初學記上

齊王攸

太康二年齊王攸統總軍事詔議藩王令自
選國內長史典令

書鈔七十二陳補

魏舒

武帝太康四年詔曰吏部掌敘人倫治化之
本也宜得忠正舊德尚書右僕射魏舒寬泰
弘毅潛通有才識其以舒爲左右僕射領選
曹

御覽二百十一

何劭

武帝太康四年詔曰何劭已歷試朝位博雅
有拾遺顧問之才其以劭爲侍中

書鈔五十八

朱整

太康四年八月詔曰選曹銓管人才宜以忠
恪寡欲抑華崇本者尙書朱整周慎廉敬以
道素自居是其人也其以整爲吏部尙書

御覽

二百十四又四百三十引無八月二字詔作
制管作簡宜以作宜得忠恪作忠謹本下無
者字廉敬作廉讓無道素二字引至是其人
也書鈔六十引無八月二字無寡欲二字
華作未無周慎廉敬四字無是其人也四字
文選王仲寶褚淵碑文注引太康至人才

才作材 白帖吏部引無八月二字忠恪下
卽接朱整以道素自居引至此止

張建

武帝太康七年詔曰郎中張建忠篤履素爲
江表士大夫所稱宜在中朝其以建爲給事
中 初學記十二 御覽二百二十一

馮翊

太康七年詔曰尙書馮翊忠亮在公歷職內
外勤恪匪懈而疾未差屢求放退其以翊爲
散騎常侍賜錢二千萬牀帳一具 初學記十
二 御覽

二百二十四引翊作統

太子率更

武帝太康八年詔曰太子率更僕中宮之達官其進品第五與中庶子衛率同職擬光祿勳也

御覽二百四十七 書鈔六十六引分作二條僕作令品第五下作秩與衛率同無末五字

太子家令

武帝太康八年詔曰太子家令東宮之達官也

書鈔六十六

師襲向凱

太康八年吏部郎師襲向凱上言欲使舍人
洗馬未更長史不得爲臺郎未更吏不得爲
主尉

書鈔七十八

入爲常伯

太康八年詔曰昔先王御俗以興至治未有
不先成民事者也漢宣識其如此是以嘆息
良二千石今欲皆先外郡治民著績然後入
爲常伯納言及典兵宿衛黃門散騎中書郎

御覽二百五十九

王琛

太康十年詔尚書郎王琛每所陳論意其忠
讜其以爲中庶子

御覽二百四十五

嘉麥

太康十年嘉麥出扶風郡一莖兩

原作而

穗傾

皆有枝實三倍

初學記二十七

御覽八百三十八引出作生扶風郡下

作一莖四穗收實三倍

趙享

太康中詔曰議郎趙享質稟純粹思議通濟
學之有舊方欲敘授而得此薦意常念之
五十六

書鈔

郡縣

咸寧三年以齊東郡縣爲長廣郡領縣四戶
二千九百六十六口二萬二十三去州五百
去京都一千九百五十

宋書州郡志二

太康元年改江夏石陽曰曲陽明帝太始二
年併安陸

宋書同上

沙渠令太康元年立

宋書州郡志三

太康四年復立南郡之監利縣尋復省之

宋書

同上

太康元年改江夏爲武昌郡領縣三戶二千五百四十六口一萬一千四百一十一去京

都水一千一百

宋書同上

武帝太康元年改梓潼之漢壽曰晉壽

宋書同上

太康二年置興古之都唐縣

宋書州郡志四

牟奴國

太熙元年正月牟奴等國大小口十七萬九千餘人各遣正副使詣護東夷校尉何龕上獻方物

御覽七百八十七

盧浮

武帝大熙元年詔曰盧浮修行明經以爲國子博士

書鈔六十七

封皇子裕

武帝詔皇子裕生七歲矣得疾始封平王

御覽

一百九十九

隴西王

武帝詔曰關中內屏京畿外藩河右北扞戎狄南鎮巴漢宜任懿親以靜西土隴西王素秉心純亮

書鈔六十四案純亮下語氣未完

封武邑王

武帝詔安平獻王孫承昔以父早亡不逮大祚以縣封之今以三縣封爲武邑王

御覽一百九十九

王仲

武帝詔曰故司空王基夙爲先帝授任基子
尙書郎仲其以爲治書御史

書鈔六十二

賈充

武帝詔曰尙書令百揆之首總參機衡出納
朝政治績之所由也車騎將軍賈充忠允清
正通理經遠迪文武謨勳弘著

疑脫一字

其以充

守尙書令

書鈔五十九陳補

王濟

武帝詔曰駙馬都尉王濟忠篤好學問有文

章器幹其以爲中書侍郎

書鈔五十七

鄭表

武帝詔曰鄭表體行純正履道沖粹退有清和之風進有素絲之節宜齊三階之曜補衮職之闕明弼朕躬匡其不逮其以表爲司空

御覽三百八

書鈔五十二引體作履履道

作守道齊作登無明弼八字

初學記十一

引武帝詔鄭表曰體行純正至末無明弼二句

書鈔四十六引晉起居注武帝詔封城柎

近不知所屬姑附於此

荀勗

詔曰尙書令荀勗旣久羸毀可賜乳酪大官

隨日給之

書鈔一百四十七案晉書荀勗卒於太康十年則此詔亦出武帝

白帖酪引無詔曰二字

中庶子

武帝置中庶子一官要任

書鈔六十六

洗馬

武帝置洗馬八人掌國籍釋奠稱經則掌其

事

書鈔六十六

東宮洗馬一時之高選

書鈔同上

典書令

晉武置典書令掌國教令

書鈔七十一

學官令

晉武置學官令主貢舉秀異典衛王宮

書鈔七十

衛瓘

太保衛瓘明允篤誠有匪躬之志其給千兵

騎百人

書鈔五十二

初學記十二

御覽

太尉將軍衛瓘忠允清識有文武之才宜令

宣風萬里

青州刺史以統戎政

書鈔七十二

惠帝追封衛瓘爲郡公

御覽二百

董猛

惠帝永平元年詔曰中常侍董猛固讓封邑

其封爲武安侯猛前求餘戶封三兄今皆封

爲亭侯

御覽二百一
安侯

書鈔四十八引至武

秘書

惠帝永平元年詔曰秘書綜理經籍考校古

今課試署吏有四百人宜專其事

書鈔五十七

王渾

元康元年詔曰司徒王渾秉法從王思量引遠歷位外內文武勲庸著在方策宜參弼機衡以亮天工其可錄尙書事

書鈔五十九

元康十年詔曰司徒王渾秉德清正思量引遠歷位內外茂著勲庸宜大弼機衡以亮天工其以爲尙書令

書鈔五十九案此卽上條事十年十字據晉書惠

帝元康止九年

王戎 裴楷

元康元年詔曰光祿大夫王戎光祿大夫裴楷開府辟召儀同三司

御覽二百四十三

淑妃貴人

惠帝元康五年才人謝玖進爲淑妃有司奏當與三夫人以下同拜詔宜在後也永寧元年詔曰峻陽園淑妃公孫明識貞粹今進位爲貴人

御覽一百四十五

虞松

元康六年以後不常親郊社制度廢弛太常
虞松考正舊儀無不悉備

書鈔五十三無不
原訛作死不

王戎

惠帝永康元年詔曰夫興治成務要在官人
銓管之爲任不可假人授侍中中書令光祿
大夫王戎鑒識明遠其以戎領吏部

書鈔六
十

王戎領吏部未嘗進寒素退虛名田園遍於

天下

白帖吏部又舉賤引至虛名進下退下
俱有一字

琅邪王

惠帝永寧元年詔曰散騎常侍琅邪王睿日
新匪懈宜在機近其令睿通直也

書鈔五十八

王恢

惠帝詔王基爵祚再絕以孫恢紹公

書鈔四十八

石行

惠帝詔石苞國祚莫繼以孫行爲公

書鈔四十八

石龜

永嘉六年石龜出灞水

藝文九十九

封東海王

惠帝詔侍中司馬越討楊駿之功封東海王

食六縣

御覽一百九十九

元帝

元帝琅邪王子母曰夏侯氏帝生有白毫生

於目左角龍顏隆準眼有光曜

御覽三百六十三元帝舊

誤作懷帝

晉王妃

元帝太興元年

原作五年案元帝太興止四年今從御覽

上臨軒

使冊命晉王太子妃庾氏爲皇太子妃

初學記十

御覽一百四十九引無太子二字庾下無
氏字

荀組

太興二年八月詔司徒荀組讚朝政令錄尙
書給班劔六十人

盧謚

太興四年詔曰今以前司空從事中郎盧謚
爲散騎侍郎在員外

御覽二百三十四

周顥

永昌元年正月詔曰左僕射所以廣括賢俊

經始萬化之機護軍周顛可進爲左僕射領

選

書鈔五十九周顛原譌作荀顛案永昌是元帝末年號此時荀顛已卒據晉書元

帝永昌元年加僕射周顛尙書左僕射今據以改

嘉禾

武帝世嘉禾三生元帝世嘉禾三生其莖七

穗

藝文八十五

北郊

明帝大寧三年上親祀七月又詔曰自中興以來雖南郊未嘗北郊五岳四瀆名山大川

應望秩者廢而未舉居其官者舉其職司其事而令一代之典闕而不備主者詳依舊處
御覽五百六十七

古鼎

咸和元年宣成春穀縣民獲古鼎可受三斛
餘羣臣畢賀
藝文九十九

鷗鳥

咸和二年正月饗萬國有鷗鳥五集殿明年

蘇峻反

御覽二十九

大斧車

成帝咸和四年作琅邪王大斧車六十枚侍
臣創八枚將軍手戟四枚

御覽三百三十九

庭燎

成帝咸和八年十二月有司奏庭燎在止車
門外今更集議舊在端門內施詔曰尙書奏
九年庭燎當在端門內元明帝時在止車門
內可依舊安司徒錄公命當率由舊章宜在

端門內

藝文八十 御覽八百七十一引至
可依舊安舊在端門內下有依舊門

丙四字羽帝上無元字

戴綬

成帝咸和中詔大樂令戴綬教習伎樂勤勞

賜米百斛布三十疋

書鈔五十五 御覽二百二十九引習作官百

斛作百石三十作二十

西陽王

咸康元年以太宰西陽王羨宗室長厚時加禮敬依安平王故事設牀帳於後

書鈔五十一

河北謠

咸康三年河北謠曰麥如土殺石虎

御覽八
百三十八

彫胡米

咸康四年尙書倉部奏下揚州彫胡米一升
至五年正旦進御詔停

御覽二十九

賜綠醕酒

十二月丙子正旦會百僚賜綠醕酒人二升
御覽二十九

樂謨

咸康七年十二月尙書樂謨奏八年正會儀
注唯作鼓鐘其餘伎樂盡不作詔曰若元日
大饗萬國朝宗廷廢鐘鼓之奏朕聞起居之
節朝無磬折之音賓無蹈履之度其於事儀
不亦闕乎卿諸人當準量輕重以制事中則
情典並隆國無滯儀矣

御覽二十九

孫朝

咸康八年司徒王導表員外常侍孫朝八年
告老弃身茨茅永絕榮祿宜給本官秩俸以

終餘年御覽二百二十四 書鈔五十八引
孫朝下無八年二字無弃身二句無

施紗幃郭

永和元年正月辛未朔雨不會甲戌皇太后
登太極前殿施紗幃郭與上臨饗羣臣御覽

九

畫輪車

穆帝永和六年皇太后嘗與帝俱出拜陵太
后乘畫輪車以輦爲副軺尙書令曰故事太

后出當乘輦車至建平陵門外易載

書鈔一
百四十一

御覽七百七十五引拜陵下作尅日尙書
令啟曰太后乘畫輪車以輦爲副詔曰故當
乘輦車至建平陵門外易載

合朔

永和中廷尉王彪之與揚州刺史殷浩書曰
太史上元日合朔談者或有疑慮卻會與否
昔建元元年亦元日合朔庾車騎寫劉孔才
所論爲不得禮苟令從之是勝人之一失何
者禮云諸侯旅見天子入門不得終禮而廢

者四太廟火日食后之喪雨露服失容尋此
四者之旨自謂諸侯雖已入門而卒暴有之
則不得終禮非爲先存其事而僥倖史官推
衍錯謬故不豫廢朝禮也夫三辰有災莫大
日食史官告譴而無懼容不修豫防之禮而
廢消殺之術方大饗華夷君臣相慶豈復是
將虔天災罪己之謂且檢之事實合朔之儀
至尊靜躬殿堂不聽政事冕服御坐門闈之
制與元會禮異自不得兼行當權其事儀合

朔之禮不輕於元會元會有可卻之禮合朔
無可廢之義謂應依建武故事卻元會浩從
之竟卻會

御覽二十九

賜醪醕酒

穆帝升平二年正月朔朝會是日賜衆客醪
醕酒

藝文三十九

白虎樽

穆帝升平二年尙書左丞相

相字疑衍

劉兗元會

日彭城計佐虞興發白虎樽而羣觀輪轅中

句有蘭臺令史張元不禁魚元令反御覽七百六十一

謝萬

升平五年詔曰前西中郎將謝萬才義簡亮

宜居獻替其以萬爲散騎常侍書鈔五十八初學記十

二御覽二百二十四

蒲林國

興寧元年閏月蒲林國王新開通前所奉表

詣元帝令違到其國慰諭御覽七百八十七案此條有誤與

寧是哀帝年號不得云元帝又令違上下亦有脫誤

東堂小會

海西泰和六年三月庚午朔詔曰三日臨流

杯池休東堂小會

初學記四十五陳補引

書鈔一百五

朝請

孝武寧康三年詔隴西王世子越駙馬都尉

楊邈並可奉朝請侍從左右與太子遊處

御覽

二百四十三

武寧三年詔曰前相國掾主簿雖奉朝請並

從容閑豫若大縣關宜以治民也

書鈔五十八案晉

一代有咸寧永安太寧興寧並無武寧年號疑是孝武寧康脫去孝康二字耳若大縣關四字亦有脫誤

漏刻史

孝武太元十二年有司奏儲宮初建未有漏刻參詳永安宮銅漏刻置漏刻史

初學記二十五

白鹿

太元十六年豫章太守范甯獻白鹿一頭二十年荊州送白鹿晉朝白鹿數見諸郡

藝文九

宣太后

孝武太元二十年簡文皇帝宣太后正號神

主移廟戊寅日詔移神主可停前殿鼓吹

御覽

五百三十一 案晉書追尊會稽王太妃鄭氏爲簡文宣太后在太元十九年

殿中將軍

殿中將軍武帝

當作孝武

太元中募選名家以參

顧問始用琅邪王茂之奏也

書鈔六十六

王恭

武帝

當作孝武

以王恭爲丹陽尹領大詹事恭讓

表曰今皇儲始見四方是式總司之任崇替

所由宜妙柬賢才盡一時之勝豈臣最庸所

可叨忝

御覽二百四十五詹事上有太子二字

書鈔六十五引皇字誤作日王

脫所由二字無末八字

臨川王

安帝二年臨川王寶啟府舍窄狹不足移家

母鍾年高違離靡寧乞還第攝事詔聽之

初學

記十二

御覽二百二十八

臘祠作樂

安帝隆安四年十二月辛丑臘祠作樂

御覽三十

三

盧循

義熙六年築壘起城於祖浦石頭城施鹿角以禦盧循

御覽三百三十九

王納之議

安帝元興三年十二月明年應郊乘輿未反博訪內外左丞王納之議曰議者謂應郊故

承制中事納之謂大饗大祀大樂皆是承制
不可得命三公行者郊天極尊唯一而已故
非天子不祀也又案武皇受禪用二月郊元
年中興亦以二月今郊時未過日望鸞駕無
爲欲速而據皇輿旋反更不得親奉不如緩
而盡美於是異同難明遂從納之議

御覽五百二十七

安帝詔

安帝詔曰元功盛德超前絕後

文選沈休文齊故安陸昭

王碑文注

安帝詔曰灑落成勲固秉謙挹

文選王仲寶
褚淵碑文注

帝詔曰若不少順沖旨降損盛制

文選同上
此帝亦當

是安帝

安帝詔曰今權順所請以申超世之美

文選
同上

左史右史

古者天子諸侯二史左史記言右史記事

白帖

起居

常伯中書郎

今之士大夫多不樂出宰牧而好內官今皆先經外郡治民著績然後入爲常伯中書郎藝文四十八御覽二百二十引郡作官

臺郎御史

臺郎御史邗之俊茂

書鈔六十

右婕妤

有司奏今月九日當拜鄭夫人右婕妤案儀

注應服雀釵袿襪

初學記十四

御覽一百四

程據

太醫司馬程據上雉頭裘非常服也上以損
費功用於殿前燒之

白帖裘

陸機

成都王討長沙王使陸機都督三十七萬衆
圍洛陽四匝夜鼓譟京師屋瓦皆裂

御覽七百六十七

諸葛恢

僕射諸葛恢各稱州都大中正爲吏部尙書
及卽司徒左長史屬掾皆爲中正臣今領吏

部請解大中正以爲都中正職局司理不宜兼者也

御覽二百六十五案語有訛誤

王浹

冠軍將軍王浹表臣以發許昌城內北人諸將孫凱等謀欲逼臣留身驅遣南人臣初出城門乃相纏繞牽臣馬韉臣手刃斬截僅乃得出

御覽三百五十八

陸鸞

廷尉監陸鸞上表求增築訊堂圖書先賢像

詔許之

御覽二百三十一
無上表二字訊作平先賢下有者字

書鈔五十五引

無末三字

桓石綏

祕書丞桓石綏啟校定四部書

書鈔五十七

何澄

何澄遷左僕射領選以脚疾辭詔聽不朝在

家視事

書鈔五十九陳補

顏延之

鎮東司馬顏延之坐圍棋免官

御覽七百五十三

徐道霸

徐道霸蟻聚堅城因山固守令董率諸軍圍
塹四合高撞雲梯三方並攻即日登城斬徐
道霸以釁鉦鼓

御覽三百三十六

檀道濟

檀道濟所向風靡

文選任彥昇奏彈曹景宗注

宋公表

宋公表曰臣實庸固

文選任彥昇奏彈曹景宗注

宋公表曰權由情奪

文選任彥升齊竟陵文宣王行狀注

宋公表曰董司乖方過實引罰

文選同上

感老君

太陽佐祠丞有母云感老君生丞相中貴畫
作九龍幡遂羣聚弃市

御覽三百四十一

鐘十二枚

咸熙十年漢中民間水涯有異聲若雷旣而
兩岸崩有鐘十二枚出制作精巧擊之有和
聲清韻

書鈔一百八號此二字有誤

案晉一代無咸熙年

燉煌

咸亨三年燉煌上送金鋼主

主字疑誤

金中不淘

不消可以切玉出天竺

御覽八百十三
晉無咸亨年號

案

大蛇

齊有大蛇長三百步負小蛇長百餘步逕於市中市人悉觀自北門所入處也

水經淄水注

補遺

元康元年五月白鼠一見東宮

初學記二十九

文選任彥升奏彈曹景宗注引大司馬表曰園林辱於非所不知所屬姑附於末